

समां - 12:25 hrs.

उपराज्यपाल मनोज सिन्हा होरें आखेया ऐ जे जम्मू-कश्मीर विधान सभा दा बजट इजलास अपने-आपै च बड़ा महत्व रक्खदा ऐ कीजे प्रदेश दी हुनै तोड़ी दी यात्रा ते भविक्ख दियें प्राथमिकताएं दा मूल्यांकन करने दा मौका उपलब्ध करोआंदा ऐ। अज्ज बजट इजलास दे पैहले ध्याड़े उनें सरबन्धित सम्भनें हित धारके अगो अपील कीती जे ओ पिच्छली कारकरदगी- रेई गेदियें कमियें-खामियें ते नमियें जरुरतें गी ध्यानै च रखदे होई जम्मू-कश्मीर दे भविक्ख लेई रुपरेखा तयार करना। उनें आखेया जे इजलास दौरान होने आली कारवाई जम्मू-कश्मीर दे लोके दियें आसें-तांगे गी पूरा करने गितै किट्टे रलियै धेइया पक्का करने दा मौका बी उपलब्ध करोआंदा ऐ। उपराज्यपाल होरें केन्द्र शासित प्रदेश च बदलाव आनने दे जतनें च सहयोग देने लेई जम्मू-कश्मीर दे लोके दा आभार प्रकट कीता ते अगो बी लोके दे हितें च कम्म करने दा प्रशासन दा धेइयां पक्का कीता।

< < < < < <

जम्मू-कश्मीर विधानसभा दा बजट इजलास हुनै थमां किश चिर पैहले उप-राज्यपाल मनोज सिन्हा हुंदे सम्बोधन कन्नै शुरु होई गेया। उप-राज्यपाल हुंदे सम्बोधन पर धन्नवाद प्रस्ताव पर चर्चा बी अज्ज गै होआ रदी ऐ। इस बजट सत्र च मुखमन्त्री उमर अब्दुल्ला, जिंदे कश खजना मैहकमे दा कम्मकाज बी ऐ-ओह इस सरकार दा दुई बारी सदन च 6 फरवरी गी बजट पेश करगंन। एह सत्र त्रंऊ चरणें च लोआया जाग। कैलेंडर मूजब जम्मू-कश्मीर विधान सभा दा बजट सत्र 4 अप्रैल गी सम्पन्न होग।

जम्मू-कश्मीर विधान सभा दे स्पीकर अब्दुल रहीम राथर होरें बजट इजलास लेई अध्यक्षें दे पैनल लेई  
त्रंऊ विधायकें दे नाएं दी घोषणा कीती ऐ- जेहड़ा सदन दी कारवाइयें दी अध्यक्षता स्पीकर हुंदी गैर  
मजूदगी च करी सकोग। इंदे च एम.एल.ए. इदगाह मुबारक गुल, एम.एल.ए साम्बा सुरजीत सिंह  
सलाथिया ते एम.एल.ए बांडीपुरा निजामुद्दीन भट्ट शामिल ऐ।



जम्मू-कश्मीर काबिना दी इक बैठक अज्ज दपैहरी लग्गोग जेहदे च 2026-27 दे बजट थमां पैहले आहली चर्चा होग। 6 फरवरी गी बजट पेश कीता जाग। आकाशवाणी जम्मू संवाददाता दी रिपोर्ट मुजब मुक्खमंत्री उमर अब्दुल्ला होर इस बैठक दी अध्यक्षता करंगन। एह बैठक उन्दी सरकारी कोठी पर लग्गोग- जेहदे च काबीना आस्सेया बजट प्रस्तावें गी मंजूरी दिती जाग।

<><><><><><>

## Budget Reactions

केन्द्रीय खजाना मंत्री निर्मला सीतारमण होंरें कल संसद च केन्द्रीय बजट पेश कीता। इस बजट दा जम्मू खिते दे बक्ख-बक्ख जिलें च लोकें सोआगत कीता ऐ। जम्मू-कश्मीर लेई 2026-27 आस्तै 43 ज्हार 290 करोड़ 29 लक्ख रुपे रक्खे गे न- जेडे जे चालू माली बरे थमां 2 ज्हार करोड़ बढ़ ना। लोकें इस बजट गी आम जनता पर केन्द्रित ते करसानें दे मोआफक बजट करार दिता- जेदे राए विकसित भारत 2047 दे लक्ष्य गी हासल कीता जाई सकदा ऐ। लोकें सैलसफा आधारित जत्तें ते कैंसर दियें दोआइयें दी कीमत गी घट्ट करने-मोबाईल फोन सस्ते होने ते आयकर दी रिटर्न भरने दी समें-सीमा अगगे बढ़ाने आहले तरीकाकारें दा सोआगत कीता ऐ। कारीगरें ते कारोबारियें बी इस बजट दा सोआगत कीता। इस बजट च दस्तकारी ते हत्थ-खड्डी ते दस्तकारी पर बी चेचा ध्यान दिता गया ऐ तां जे मुकामी अर्थबवस्था गी मजबूती थोई सकै।

<><><><><><>

## Special Trains

खराब मौसम ते सिड़कें दे कन्नो-कन्नी ब्हाई डोआरियें च पौने आहले विघ्न करी श्री माता वैष्णो देवी कटरा ते श्रीनगर बश्कार यात्रियें दे भारी रश दे चलदे उत्तर रेलवे नै आरक्षित विशेष रेलगाड्डियें गी चलाने दी मंजूरी देई दिती ऐ। साहडे जिला संवाददाता नै जानकारी दिती ऐ जे चार विशेष रेलगाड्डियां नम्बर 04627-04628 ते 04629-04630 त्रै ते चार फरवरी गी कटरा ते श्रीनगर बश्कार चलगंन। एह रेलगाड्डियां अपने सफर दौरान बनिहाल च रुकगंन। इस पैहल दा मकसद फसे दे यात्रियें दी मदद करना ते नियमित परिवहन सेवाएं च विघ्न पौने दे चलदे आरक्षित ते सुविधाजनक यात्रा गी यकीनी बनाना ऐ।

<><><><><><>

## J&K Tremor

बारामुला जिले च अज्ज बडुलै 4 इशारिया 6 तीव्रता आहले भूंचाल दे झटके महसूस कीते गे। अधिकारियें मूजब एह झटके बडुलै 5 बज्जियै 35 मिन्ट पर आए। पट्टन एहदा मुख केन्द्र हा। इस भूंचाल करी अजें तगर कुसै चाली दे जानो-माल दे नुकसान दी कोई खबर नेंई ऐ।

<><><><><><>

## Weather

मौसम विभाग हलकी थमां दरमेयाने दर्जें दी बरखा ते बर्फबारी होने दी पेशनगोई नै केन्द्र शासित प्रदेश च अज्ज ते कल दपैहरी मगरा तगर कीती ऐ। कल संजा तगर भद्रवाह च 22 इशारिया 5 मिलीमीटर-डोडा च 16 मिलीमीटर ते किश्तवाड़ च 18 मिलीमीटर बरखा दर्ज कीती गेई। उयां 4 फरवरी थमां 6 फरवरी तगर मौसम खुशक रहौग। 10 फरवरी तगर जम्मू-कश्मीर च मौसम आम तौरा पर खुशक गै रहौग ते एदे च कोई बड्डा बदलाव नेंई होग।

<><><><><><>

